

## Кондак 1

---

Взбранной Воеводе победительная, яко избавльшеся от злых, благодарственная восписуем Ти раби Твой, Богородице; но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

## Икос 1

---

Ангел предстатель с Небес послан бысть рещи Богородице: радуйся, и со безплотным гласом воплощаема Тя зря, Господи, ужасашеся и стояше, зовый к Ней таковая: Радуйся, Еюже радость возсияет; радуйся, Еюже клятва изчезнет. Радуйся, падшаго Адама воззвание; радуйся, слез Евиных избавление. Радуйся, высотó неудобовосходимая человеческими помыслы; радуйся, глубинó неудобозримая и ангельскими очима. Радуйся, яко еси Царёво седалище; радуйся, яко носиши Носящаго вся. Радуйся, Звездó, являющая Солнце; радуйся, утробо Божественнаго воплощения. Радуйся, Еюже обновляется тварь; радуйся, Еюже поклоняемся Творцу. Радуйся, Невесто Неневестная.

## Кондак 2

---

Видящи Святая Себе в чистоте, глаголет Гавриилу дерзостно: преславное твоего гласа неудобоприятельно души Моёй является: безсеменнаго бо зачатия рождество како глаголеши, зовый: Аллилуиа.

## Икос 2

---

Разум недоразумеваемый разумети Дева ищущи, возопи к служащему: из боку чисту, Сыну како есть родитися

мо́жно, рцы Ми? К Нейже он рече со страхом, оба́че зовый си́це: Ра́дуйся, сове́та неизрече́ннаго Тайннице; ра́дуйся, молча́ния просящих ве́ро. Ра́дуйся, чуде́с Христо́вых нача́ло; ра́дуйся, велений Егó главизно. Ра́дуйся, ле́стнице небесная, Ёюже сниде Бог; ра́дуйся, мо́сте, преводя́й су́щих от земли на не́бо. Ра́дуйся, А́нгелов многослову́щее чу́до; ра́дуйся, бесо́в многоплаче́вное пораже́ние. Ра́дуйся, Свет неизрече́нно роди́вшая; ра́дуйся, е́же ка́ко, ни еди́наго же научи́вшая. Ра́дуйся, премудрых превосходя́щая ра́зум; ра́дуйся, ве́рных озаря́ющая смы́слы. Ра́дуйся, Невесто Нене́вственная.

### Кондак 3

---

Си́ла Вы́шняго осени́ тогда́ к зача́тию Брако́неиску́сную, и благопло́дная То́я ложесна́, я́ко село́ показá сладкое, всем хотя́щим жа́ти спасе́ние, внегда́ пе́ти си́це: Аллилу́иа.

### Икос 3

---

Иму́щи Богоприятную Де́ва утробу́, востече́ ко Елисавети: младе́нец же о́ноя а́бие позна́в Сея́ целова́ние, ра́довашеся, и игра́ньми я́ко пе́сньми вопия́ше к Богородице: Ра́дуйся, о́трасли неувяда́емая розго́; ра́дуйся, Плода́ безсме́ртнаго стяжа́ние. Ра́дуйся, Де́лателя де́лающая Человеколю́бца; ра́дуйся, Сади́теля жи́зни на́шея ро́ждшая. Ра́дуйся, ни́во, растя́щая гобзова́ние щедро́т; ра́дуйся, трапéзо, нося́щая оби́лие очище́ния. Ра́дуйся, я́ко рай пи́щный процвета́еши; ра́дуйся, я́ко пристани́ще душáм гото́виши. Ра́дуйся, приятно́е моли́твы кади́ло; ра́дуйся,



## Икос 5

---

Видеша отроцы халдейстии на руку Девичу Создавшего руками человеки, и Владыку разумевающе Его, аще и рабий прият зрак, потщашася дарми послужити Ему, и возопити Благословенней: Радуйся, Звезды незаходимыя Мати; радуйся, заре таинственного дне. Радуйся, прелести пещь угасившая; радуйся, Троицы тайнники просвещающая. Радуйся, мучителя безчеловечнаго изметающая от начальства; радуйся, Господа Человеколюбца показавшая Христа. Радуйся, варварскаго избавляющая служения; радуйся, тмения изымающая дел. Радуйся, огня поклонение угасившая; радуйся, пламене страстей изменяющая. Радуйся, верных наставнице целомудрия; радуйся, всех родов веселие. Радуйся, Невесто Невестная.

## Кондак 6

---

Проповедницы богоноснии, бывше волсви, возвратишася в Вавилон, скончавше Твое пророчество, и проповедавше Тя Христа всем, оставиша Ирода яко буесловна, не ведуща пети: Аллилуиа.

## Икос 6

---

Воссиявый во Египте просвещение истины, отгнал еси лжи тьму: идоли бо его, Спасе, не терпяще Твоея крепости, падоша, сих же избавльшиися вопияху к Богородице: Радуйся, исправление человеков; радуйся, низпадение бесов. Радуйся, прелести державу поправшая; радуйся, идольскую лесть обличившая. Радуйся, море, потопившее фараона мысленнаго; радуйся, камению, напоивший жаждущия жиз-

ни. Рáдуйся, óгненный стóлпе, наставляяй сúщия во тьме; рáдуйся, покрóве мíру, шíрший óблака. Рáдуйся, пíще, мánны приёмнице; рáдуйся, слáдости свята́я служíteльнице. Рáдуйся, землé обетова́ния; рáдуйся, из нея́же течёт мед и млекó. Рáдуйся, Невéсто Неневéстная.

#### Кондак 7

---

Хотя́щу Симеóну от ны́нешняго вéка престáвитися прелéстнаго, вдáлся еси́ я́ко младéнец томú, но позна́лся еси́ емú и Бог соверше́нный. Тёмже удивíся Твоéй неизрече́нной премúдрости, зовы́й: Аллилу́иа.

#### Икос 7

---

Но́вую показá тварь, я́влься Зиждíteль нам от Него́ бы́вшим, из безсе́менныя прозя́б утробы, и сохрани́в Ю, я́коже бе, нетлénну, да чúдо ви́дяще, воспо́йм Ю, вопию́ще: Рáдуйся, цвёте нетлénия; рáдуйся, вéнче воздержáния. Рáдуйся, воскресéния óбраз облиста́ющая; рáдуйся, а́нгельское житиé явля́ющая. Рáдуйся, дрéво светлоплодо́витое, от него́же пита́ются вёрнии; рáдуйся, дрéво благосенноли́ственное, íмже покрывáются мно́зи. Рáдуйся, во чрэ́ве нося́щая Изба́вителя пленéнным; рáдуйся, ро́ждшая Настáвника заблúдшим. Рáдуйся, Судий праведнаго умолéние; рáдуйся, мно́гих согрешéний прощё́ние. Рáдуйся, оде́ждо нагíх дерзнове́ния; рáдуйся, любы́, всякое желáние побежда́ющая. Рáдуйся, Невéсто Неневéстная.

#### Кондак 8

---

Странный рождество видевше, устранимся мира, ум на небеса преложше: сего бо ради высокий Бог на земли явися смиренный человек, хотяй привлещи к высоте Тому вопиющия: Аллилуиа.

### Икос 8

---

Весь бе в нижних и вышних никакоже отступий неопи-  
санное Слово: низхождение бо Божественное, не  
прехождение же местное бысть, и рождество от Девы  
Богоприятная, слышания сия: Радуйся, Бога невместимаго  
вместилище; радуйся, честнаго таинства двери. Радуйся, не-  
верных сумнительное слышание; радуйся, верных известная  
похвало. Радуйся, колеснице пресвятая Сущаго на  
Херувимех; радуйся, селение преславное Сущаго на  
Серафимех. Радуйся, противная в тожде собравшая; радуй-  
ся, девство и рождество сочетавшая. Радуйся, Еюже  
разрешися преступление; радуйся, Еюже отверзся рай. Ра-  
дуйся, ключу Царствия Христова; радуйся, надеждо благ  
вечных. Радуйся, Невесто Невестная.

### Кондак 9

---

Всякое естество ангельское удивися великому Твоего  
вочеловечения делу; неприступнаго бо яко Бога, зряще всем  
приступнаго Человека, нам убо спребывающа, слышаша же  
от всех: Аллилуиа.

### Икос 9

---

Ветия многовещанная, яко рыбы безгласная видим о  
Тебе, Богородице, недоумевают бо глаголати, еже како и

Дѣва пребываеши, и родити возмогла еси. Мы же, таинству дивящися, верно вопиём: Радуйся, премудрости Божия приятище, радуйся, промысления Его сокровище. Радуйся, любомудрая немудрая являющая; радуйся, хитрословесная безсловесная обличающая. Радуйся, яко обуяша лютии взыскателе; радуйся, яко увядоша баснотворцы. Радуйся, афинейская плетения растерзающая; радуйся, рыбарския мрежи исполняющая. Радуйся, из глубины невѣдения извлачающая; радуйся, многи в разуме просвещающая. Радуйся, кораблю хотящих спастися; радуйся, пристанище житейских плаваній. Радуйся, Невѣсто Невѣстная.

#### Кондак 10

---

Спасті хотя мир, Иже всех Украсителъ, к сему самообетован прииде, и Пастырь сый, яко Бог, нас ради явися по нам человек: подобным бо подобное призвав, яко Бог слышит: Аллилуиа.

#### Икос 10

---

Стена еси девам, Богородице Дѣво, и всем к Тебѣ прибегающим: ибо небесе и земли Творец устрои Тя, Пречистая, вселься во утробе Твоей, и вся приглашати Тебѣ научи: Радуйся, столпе девства; радуйся, дверь спасения. Радуйся, начальнице мысленнаго наздания; радуйся, подательнице Божественныя благодати. Радуйся, Ты бо обновила еси зачатая студно; радуйся, Ты бо наказала еси окраденныя умом. Радуйся, тлителя смыслов упражняющая; радуйся, Сятеля чистоты рождающая. Радуйся, чертоже безсеменнаго уневестия; радуйся, верных Господеви сочетавшая. Ра-



дуйся, дóбрая младопитáтельница дéвам; рáдуйся, невестокрасительнице душ святýх. Рáдуйся, Невéсто Нене-вéстная.

### Кондак 11

---

Пéние всякое побежда́ется, спрострéтися тща́щееся ко мно́жеству мно́гих щедрóт Твои́х: равночísленные бо песка́ пёсни áще прино́сим Ти, Царю́ Святýй, ничтóже соверша́ем досто́йно, яже дал еси́ нам, Тебé вопи́ющим: Аллилúиа.

### Икос 11

---

Светоприёмную свещу́, сущим во тьме явльшуюся, зрим Святую́ Дёву, невещественный бо вжигáющи огонь, наставля́ет к рáзуму Божéственному вся, зарёю ум просвещáющая, звáнием же почитáемая, сими: Рáдуйся, луче́ умнаго Сóлнца; рáдуйся, свети́ло незаходимаго Свёта. Рáдуйся, мо́лние, ду́ши просвещáющая; рáдуйся, яко гром враги́ устраша́ющая. Рáдуйся, яко многосвётлое возсиявáеши просвещéние; рáдуйся, яко многотекúщую источáеши реку́. Рáдуйся, купели живописúющая образ; рáдуйся, грехóвную отъёмлющая сквёрну. Рáдуйся, ба́не, омывáющая со́весть; рáдуйся, ча́ше, чёрплющая рáдость. Рáдуйся, обоня́ние Христо́ва благоухáния; рáдуйся, животé тайнаго весéлия. Рáдуйся, Невéсто Нене-вéстная.

### Кондак 12

---

Благодáть дáти восхотéв, долго́в дрéвних, всех долго́в Решитель чело́веком, прииде Собóю ко отшéдшим Того́



благодати, и раздрáв рукописáние, слы́шит от всех сйце:  
Аллилу́иа.

### Икос 12

---

Пою́ще Твоё Рождество́, хва́лим Тя вси, я́ко одушевлён-  
ный храм, Богоро́дице: во Твоёй бо вселíвся утробе  
содержáй вся руко́ю Господь, освятí, просла́ви и научí  
вопíти Тебё всех: Ра́дуйся, селёние Бóга и Сло́ва; ра́дуйся,  
свята́я святых бóльшая. Ра́дуйся, ковчёже, позлащённый Ду-  
хом; ра́дуйся, сокровище живота́ неистощíмое. Ра́дуйся,  
честный вёнке люде́й благочестíвых; ра́дуйся, честна́я по-  
хвалó иереев благоговёйных. Ра́дуйся, цёркве непоколебí-  
мый сто́лпе; ра́дуйся, Цáрствия нерушíмая стенó. Ра́дуйся,  
Ёюже воздв́жутся побёды; ра́дуйся, Ёюже низпа́дают  
вразí. Ра́дуйся, тела моего́ врачевáние; ра́дуйся, души́ моея́  
спасёние. Ра́дуйся, Невёсто Неневёстная.

### Кондак 13

---

О, Всепётая Мáти, рóждшая всех святых Святёйшее  
Сло́во! Ны́нешнее приёмши приношёние, от всякия избáви  
напа́сти всех, и б́дущия измí му́ки, о Тебё вопи́ющих:  
Аллилу́иа, аллилу́иа, аллилу́иа.

*Этот, кондак читается трижды, затём икос 1-й и кондак 1-й.*

### Икос 1

---

А́нгел предста́тель с небесé по́слан бысть рещí Богоро́-  
дице: ра́дуйся, и со безплóтным гласом воплоща́ема Тя зря,  
Гóсподи, ужасáшеся и стоя́ше, зовы́й к Ней такова́я: Ра́дуй-  
ся, Ёюже ра́дость возсияет; ра́дуйся, Ёюже кля́тва изчезнет.

Ра́дуйся, па́дшаго Ада́ма воззва́ние; ра́дуйся, слез Ёвиных  
избавле́ние. Ра́дуйся, высотó неудобовосходи́мая  
челове́ческими по́мыслы; ра́дуйся, глубино́ неудобозри́мая  
и а́нгельскима очима́. Ра́дуйся, я́ко еси́ Царе́во седа́лище;  
ра́дуйся, я́ко но́сиши Нося́щаго вся. Ра́дуйся, Звездó, явля́ю-  
щая Со́лнце; ра́дуйся, утробó Божество́ннаго воплоще́ния.  
Ра́дуйся, Ёюже обновля́ется тварь; ра́дуйся, Ёюже  
покланя́емся Творцу́. Ра́дуйся, Невесто́ Неневестная́.

### Кондак 1

---

Взбра́нной Воево́де победи́тельная, я́ко изба́вльшеся от  
злых, благодарственна́я воспису́ем Ти раби́ Твои́, Богороди-  
це; но я́ко иму́щая держа́ву непобеди́мую, от всяких нас бед  
свободи́, да зове́м Ти: ра́дуйся, Невесто́ Неневестная́.

### Молитва

---

О, Пресвята́я Госпоже́ Влады́чице Богородице, вѣ́шши  
еси́ всех А́нгел и Арха́нгел, и всея́ тва́ри честне́йши, помощ-  
нице еси́ оби́димых, ненаде́ющихся наде́яние, убо́гих за-  
сту́пнице, печа́льных утеше́ние, а́лчущих корми́тельница,  
наги́х одея́ние, больны́х исцелё́ние, грѣшных спасё́ние, хри-  
стиа́н всех поможе́ние и заступле́ние. О, Всеми́лостивая  
Госпоже́, Де́во Богородице Влады́чице, ми́лостию Твоёю  
спаси́ и помилуй́ святѣ́йшия патриа́рхи правосла́вныя,  
преосвяще́нныя митрополи́ты, архиепи́скопы и епи́скопы и  
весь свяще́нический и ино́ческий чин, и вся правосла́вныя  
христиа́ны ри́зою Твоёю честно́ю защити́; и умоли́, Госпо-  
же́, из Тебе́ без се́мене воплотивша́гося Христа́ Бо́га на́шего,  
да препоя́шет нас си́лою Своёю свѣ́ше, на невидимыя и ви́-

димыя врагі наша. О, Всемілоствивая Госпожé Владычице Богорóдице! Воздвígни нас из глубины́ грехóвныя и избáви нас от гла́да, губíteльства, от тpу́са и потóпа, от огня́ и мечá, от находéния иноплемéнных и междуосóбныя брáни, и от напрáсныя смёрти, и от нападéния вра́жия, и от тлетвóрных ветр, и от смертонóсныя я́звы, и от всякаго зла. Пода́ждь, Госпожé, мир и здра́вие рабóм Твои́м, всем правосла́вным христиáном, и просвети́ им ум, и óчи сердéчнии, ёже ко спасéнию; и сподóби ны, грéшныя рабы́ Твоя́, Цáрствия Сы́на Твоегó, Христа́ Бóга нашего; я́ко держа́ва Егó благословéна и препросла́влена, со Безначáльным Егó Отцём, и с Пресвятым, и Благи́м, и Животворя́щим Егó Ду́хом, ны́не и прiсно, и во вéки векóв. Амiнь.

### Молитва вторая

---

О, Пресвятáя Дéво Мáти Гóспода, Царiце Небесé и землi! Вонми́ многоболéзненному воздыхáнию ду́ш наших, прiзри с высоты́ святы́я Твоея́ на нас, с вéрою и любóвию поклоня́ющихся пречiстому óбразу Твоему́. Се бо грехми́ погружа́емии и скорбьми́ обурева́емии, взира́юще на Твой óбраз, я́ко живей Ти сущей с нами, приносим смирénныя молéния наша. Не íмамы бо ни ины́я пóмощи, ни инáго предстáтельства, ни утешения, тóкмо Тебé, о, Мáти всех скорбя́щих и обременénных. Помозí нам немощн́ым, утоли́ скорбь нашу́, наста́ви на путь прáвый нас, заблужда́ющих, уврачу́й и спаси́ безнаде́жных, да́руй нам прóчее вре́мя животá нашего в ми́ре и тишинé проводитьи, пода́ждь христиáнскую кончiну, и на стра́шнем судé Сы́на Твоегó явiся нам милосéрдая Засту́пница, да всегда́ поём, велича́ем и

сла́вим Тя, я́ко благу́ю Засту́пницу ро́да христи́анскаго, со  
все́ми угоди́вшими Бо́гу. Ами́нь.